

西藏誌

卷下

中國民族史地資料叢刊之三（內部參攷）

西藏誌
卷下

中央民族學院圖書館編

西藏誌卷下

封爵

西藏地處邊徼。自漢唐以來。難以備考。迨至康熙五十九年。定藏後。始封康濟鼐為貝勒。阿爾布巴為貝子。隆布鼐為公。頗羅鼐扎爾鼐為噶隆。雍正三年。封頗羅鼐札薩克為台吉。雍正五年。阿爾布巴等謀殺康濟鼐。亂藏。雍正六年。天兵誅叛。定藏。七年。頗羅鼐封貝子。總管西藏。八年。封其長子朱爾嗎特策登。併其婿那木札爾色不騰。即康濟鼐之子為台吉。雍正九年。封頗羅鼐為多羅貝勒。朱爾嗎特策登為輔國公。十年。封那木札爾色不騰為輔國公。封策零汪蓋爾。通巴。鐘子三人為頭等噶隆。十二年。封其次子朱米納木

查爾竝其弟諾彥和碩氣以及達爾札章陸占巴巴雜鼐大衍台吉等六人為札薩克頭等台吉。十三年諾彥和碩氣卒。頗羅鼐奏請將伊弟色陳哈什哈襲職為札薩克台吉。旋晉封頗羅鼐為多羅郡王。

頭目

委用頭人頭目。皆由頗羅鼐選擇。亦取才品。首取家道殷實。查郡王之下。設噶隆數人。總管各處事宜。地方設高爵一名。察核境內各項事務。倉儲巴數名。專司錢糧事宜。浪子沙數名。管理刑名。竝承辦各項差務。中科爾數名。在大召辦寫文書票籤戳記事務。紀綱數名。清算賬目。其中科爾紀綱半多世職。凡放大小村莊牒巴皆由此等人內選用。至于出差頭人名曰谷操。傳事頭人名曰若

尼爾。管理家務頭人名曰業爾巴。聽差之人名曰乃興巴。其各地大頭人名曰牒巴。次曰熱熬。再曰千布。蒙古之頭人名曰台吉。曰宰桑。曰那彥。其統領兵馬之官有五。總統之大頭人曰代奔。今西藏一名羅藏達吉。工布一名烏隆奈。後藏一名班第他。至其次曰甲奔。管兵二百名。再次曰如奔。管兵一百名。曰賴奔。管兵四十五名。曰局奔。管兵十名。又有小頭人曰郭渡。以上所委之牒巴頭人。委管何方。即徵收其地錢糧以自食。

兵制

西藏額設兵制。馬兵步兵共六萬四千餘名。內拉薩馬兵三千名。後藏馬兵二千名。阿里馬兵五千名。裸堪馬兵一千名。黨子拉雜

浪木錯等處地方黑帳房蒙古共馬兵三千名。阿里並前後藏各處共步兵五萬名。至上陣廝殺。惟蒙古馬兵八百名頗勇。其次阿里裸裎工布之兵尚健。其餘之兵差等。派兵之法。于各地方鄉村抽派。或十名五名不等。出人不馬。出馬不出人。上陣亦穿盔甲。其甲有柳葉有連環有鎖子。馬兵盔上插紅纓一大撮。孔雀尾一枝。帶腰刀。鞞袋。背鳥鎗。執長矛。步兵盔上插雄雞尾一束。帶腰刀。插順刀。帶弓箭。鞞袋。執藤牌或木牌。其木牌寬約尺五六寸。長三尺一二寸。外用鐵皮包釘。繪虎獸形。以五色羽毛裝飾。帶弓箭腰刀。已拿鳥鎗者不執牌。亦有持長矛者。箭以竹為之。鵬翎鐵鏃。鏃如錐長三四寸。其弓木胎角面身稍俱短小而勁。亦有用竹為之。

者以兩竹片合紮無稍靶。旗幟分黃紅白黑藍五色。用紬緞布亦為之。其制長有八九尺至一丈一二者。旗頂毛纓各按旗色。若對壘馬前步後。糗糧隨地。派本兵馱帶。每年于正二三月亦頗操演。觀其打鎗射箭。跑馬跌撲。演畢以哈達銀錢酒食賞之。以獎其氣。至四月則派駐各隘口。既資防邊。且兼牧馬也。

邊防

西藏接壤外蕃。界連蒙古。雍正八年準噶爾侵犯西北兩路軍營。頗羅鼐奏准夏初冰雪全消。青草萌時。派駐藏大臣一員。綠旗官兵一千五百名。其次子台吉米納木查爾帶拉薩兵一千名。前赴打木騰格那爾地方駐防。派長子輔國公米爾瑪特策登夏初

帶蒙古番兵二千名。赴門里噶爾波魯多克三處駐防。每年派其弟諾彥和碩氣赴哈拉烏素訓練。該地兵馬二千餘名。即統領駐防。約至九月雪封山徑撤回。休養次年仍往。又設要卡數處。

一王樹納克書每年派千總一員。番漢兵各三十名。至白兔河駐劄。一納克產每年派千總或把總一員。番漢兵各十名。至特布駝洛海偵防。一奔卡立馬爾每年派千總或把總一員。番漢兵十名。駐防探哨。一生根物角每年派千總或把總一員。番漢兵各十名。駐防。亦均於夏初草萌派往。秋深雪降撤回。其附近拉薩口隘二處。一浪宕離城五十里。派番漢兵各五六名。一怕爾離藏二十里。派番漢兵各五六名。此二處專司盤詰往來人等。其他隘

口各就地之衝僻量設番兵防守。雍正十年駐藏漢兵二千名。內議撤一千五百名。此後騰格那爾等處僅番兵駐防矣。

徵調

頗羅鼐未賜印之先。凡有文書俱鈐紅色小圖記。番人用唐古忒字。蒙古用蒙古字。行則各遵之。自噶隆以下皆用黑色圖記。雍正九年頒給印信。始知用印。然素常亦不用。一切文書信字用漢字。小圖章文曰名旺多羅貝勒記。如徵調兵馬。近則頭目代奔催集。遠則文信傳調。若要緊軍情。則用傳旗。以箭一枝縛白哈達一個。寫由飛遞傳催。依限而到。一無少悞。凡遇大小事務。每日噶隆牒巴中科爾代奔等齊集大召內白菓廊公議而行。大事則頗羅鼐

亦至共議。然後行之。其文卷三年一清。舊案俱焚不存。

賦役

西藏稅賦隨其出產。或牛羊。柴草。麥豆。青稞。璫璫。毛氈。皮張等。或馬奶。酥油。雞猪。野牲。菓食。金銀。銅鐵。酒。諸類。皆隨所產上納。設有公所。名曰商上。凡所納稅賦。及張罰罪人銀錢。俱存備公用。並喇嘛念經之費。至于土民之服役者。名曰烏拉。凡有生業之人。毋論男女。皆派。即他處來者。或僅婦女。但能自立。烟灶租房居住者。亦派。多寡各量其貧富不等。其頭目牒巴。皆派用。烏拉照所居室之大小。派定。應需之數。或三四名。或十數名。照數輪派。烏拉應役。無人則雇窮民代之。或每日每名納銀五分。年過六十免之。遇大

差則派牛馬驢騾。富者應出若干。貧者三四人公攤一頭匹。藏地產馬少。率由霍耳一帶及青海等處來者。價頗昂。即中馬一匹亦須十七八兩至二十兩者。

朝貢

藏衛地方乃賞給達賴喇嘛采邑。免其正賦之貢。今達賴喇嘛頗羅鼐為一班。班禪喇嘛為一班。各間年一次遣額爾沁喇嘛漢云使臣之使。

又稱堪布。頗羅鼐之使。又稱囊贊。

進貢繕唐古忒字表。恭請聖安。以伸誠敬。其所

進之物。乃藏香。藏杏。藏棗。珊瑚。蜜蠟。珠子。木碗。金絲緞。卡契紬。卡契布等物。其木碗有二種。一曰札木札牙。木色微黃堅潤有細文。云能避諸毒。每一個價值十數金。以至數十金者。一曰拉庫爾。木

色微黃。花紋畧大。云亦能避毒。價亦須數金。

外番

西藏定自康熙五十九年。十餘年來。官兵往返其間。崇山鳥道。盡屬坦衢。荒服窮陬。咸沾德化。于是藏之西南。計程兩月。有巴勒布一區。天道和煖。產稻穀孔雀。其民分為三部。一曰布顏罕。一曰葉楞罕。一曰庫庫木罕。于雍正十年間。遣使來藏。經駐藏大臣等奏。蒙聖恩。允准內附。賞頒勅封三道。賜蟒緞玻璃磁器等物。于次年八月。派員賫送至藏。轉頒。十二年正月。布顏罕等遣使來藏。請赴京進貢謝恩。又經轉奏。奉旨准其來京。遂沿途供應。四月二十日。至藏起程。共三部奏章貢物。擇出漢文附載。

布顏罕奏書曰大主明鑒微末布顏罕雜雜噶麻爾合掌謹奏大
主聖體冲和微末布顏罕不勝慶幸蒙大主仁恩賞給勅書緞疋
玻璃磁器等項瞻仰聖明曷勝欣慶向聞大主仁化即欲遣使請
安拉藏不為轉奏計無所出今蒙貝勒奏請得沾大主天恩又得
遣使奏事伏願溫旨時頒邊鄙小罕普沾天惠矣鑒之鑒之奏書
微儀哈達一個珊瑚樹一株珊瑚一串五十五個小珊瑚一串一
百零八個琥珀一串四十一個金絲織成卡契帶三條金絲織成
卡契小帶五條各色卡契緞三疋白卡契布四疋犀角一個孔雀
尾扇一柄孔雀尾一束黑香一包各色藥一包癸丑年十二月二
十八日奏

庫庫木罕奏書曰大主明鑒微末庫庫木罕合掌謹奏大主聖體
安和不任幸勝庫庫木罕以實心感戴大主仁恩蒙賜勅書緞疋
玻璃磁器等項。向聞大主天恩仁惠至于天恩溫旨如此沛降實
出望外。今貝勒轉奏蒙賜勅書無涯天恩愛我生靈如同父母曷
勝欣慶。特差巴瓦尼桑格爾恭謝天恩伏思庫庫木罕邊鄙小
罕。惟賴大主仁恩以安其生。仰乞溫旨不時下降。奏書微儀哈
達一個。大珊瑚二個。珊瑚六個。小珊瑚一串一百零八個。金絲織成
各色卡契帶十條。金絲織成卡契緞一疋。銀絲織成卡契緞一疋。
孔雀尾管子碗二個。各色卡契布二十一疋。白卡契布五十九疋。
各色藥六包。額納克特克巴爾布等處地圖一張。癸丑年十一月

十七日奏

葉楞罕奏書曰大主明鑒微末葉楞罕合掌謹奏大主聖體安和不勝幸甚。向因額勒特罕不將大主天威仁化曉諭我等。今幸貝勒宣傳我等方知虔誠恭順得遂賞賜勅書緞疋玻璃磁器等項。如我親瞻天顏不勝欣慶之至。邊鄙小罕惟乞天主憐愛鑒之鑒之。奏書微儀哈達一個。大小金錢兩個。林親中內佛一尊。珊瑚一串一百一十八個。小珊瑚一串一百三十六個。香盒一個。孔雀尾管子碗一個。孔雀尾扇一柄。金絲織成卡契緞一疋。銀絲織成卡契緞一疋。各色藥一包。巴爾布布一條。白卡契布三疋。各色卡契布十疋。卡契緞三疋。巴爾布布四疋。星衣一包。黑香一包。阿魯拉

三包癸丑年十一月二十九日奏。

又布魯克巴一族離藏西南約行月餘其罕諾彥林親乃紅帽之傳。天道頗煖物產與中國相仿。南行月餘即天竺國界考其地唐時歸順賜冊印其文曰唐師國寶之印六字外有噶畢一族。係諾彥林親所分者。日久其勢漸大。後諾彥林親之呼圖克圖楚克賴納木查爾至噶畢地方。噶畢即留不放歸。諾彥林親屬下地納反納二處百姓。時潛赴噶畢朝禮。由是二家成隙。互相仇殺。噶畢力弱于雍正十年投奔頗羅鼐。發兵助之。敗諾彥林親于界地。諾彥林親亦遣使于駐藏大人處歸誠。並請赴京進貢。彼時以兩家正當仇殺之際。留使在藏。備叙投誠進貢。並兩造仇殺緣由具奏。

次年差官前赴二家排解不就。復于冬十月差陝西督標前營遊擊和尚同頗羅鼎所差噶隆鐘子以及外委人員前赴適中之多汪則城解勸和合。取永和印契帶二家貢使于甲寅年正月旋藏。差員伴送赴京。蒙世宗憲皇帝賞賜勅印邊員護送。于雍正十三年夏五月到藏。噶畢東魯卜喇嘛卒。於是地土人民仍歸諾彥林親管轄。其不願附之番民一百餘戶。奏明給與牛種安插商約之汪則地方。乾隆元年春諾彥林親齊拉卜濟親身赴藏朝拜達賴喇嘛畢。于是年秋八月五日始回。附譯出奏書云。

天下蒼生共戴滿洲西立大主明鑒。微末布魯克巴喇嘛札爾薩立布魯克谷濟諾彥林親齊類拉卜濟等焚香望闕。合掌叩頭謹